

姜先生全集



姜先生全集



葦間詩集卷五

全集二十九

邑後學

馮保燮

重編

王定祥

飲西崖編修同用昌黎醉贈張祕書韻

開歲任閒放外事寂不聞
日從墟頭飲有隙便訪君
君才定何如太叔秀而文
願當用武時唆口談淵雲
牀前羅雜花江梅特芳芬
玉質帶顚顚亦似傷離羣
漢皇張撻伐揮劍六合分
輸邊褒卜式請纓譚終軍
將軍毳帳中彈箏夜微醺
雪風捲牙旗戰氣騰氛氲
人懷封侯志今我復何云
葦茭爲衣裳采蘭當佩紛

馮氏刊本

既不學袒裸亦不繁辛葦陶然三爵後醉書羊欣裙
焉知戶外人擾擾聚秋蚊所貴君子交道義相蒸薰
論心軼千古蒐奇徧三墳榛棘苦未除清言藉芟耘
是中餘樂地何必燕山勳酒醒紀此辭辭成日西曛
送族弟青御之祁州幕

吾宗世積累發祥贈公時

贈公多陰德載在郡邑志

是爲六世祖

爾我始分支太僕公介弟

先高祖官參議贈太僕寺少卿

季也挺岐

嶷

公諱國望字渭濱旌表孝子

聲名起翼序制行無纖疵肅皇歲

丙辰倭舶突犯陴贈公殯在堂家人盡奔馳太僕薦

南宮見星亦未歸季公泣獨留誓與棺安危寇來走

閣上俛伏潛下窺靈牀挂紙錢嗢嗢取火吹縮屋未

得爇

詩毛傳縮屋而繼之謂抽屋草以繼爇也

似有神扶持不然付一炬

人與棺俱灰俄喜寇出門潛呼家人來舁櫬停空郊
畚鍤疾覆之比歸屋盡燬四鄰慘莫遺郡邑上其事
旌門高巍巍至今明實錄煌煌孝名垂是宜昌厥後
天道苦難知五世止一身落魄隨天涯淮水有竭流
瓊花發孤枝消息理固然子才況不羈大器晚必遇
年少謹所爲勿逞逸邁興朱門慎威儀務大本於細
積高以下基牽絲會有緣嗣續亦弗遲去去莫復顧
先德無時衰

東江考功席上同用子瞻岐亭韻

我生嘗百味而未到肉汁既省口腹累亦免脾土溼
爲爾盤中羞十箸九未得況乃北方俗飢筵此尤急
唐侯知我性剖鮮惟鶩鴨瑣細列果窳飴糲亦間幕
一月必數招奔走僮腳赤吾非飲食人珍重屢浮白
頽然頭露禿就穿儿上幘古有念設醴事過猶感泣
食於少施飽豈爲一飯缺蹇拙素寡諧老作長安客
晚游得數子中坐百端集

上元夜西齋宴集用樂天明月春風三五夜韻

分得風字

今夕復此聚三五月正中廣陌無纖埃解凍來微風
笙歌入鄰家酒酣曲未終寥寥西齋內一尊相與同
明燈晃永夜獸炭燒春紅雖無陽阿奏人意偕沖融
喧填名都會數子襟契通歲歲茲歡賞未必吾道窮

廬州李相國壽讌詩二首

南國三年舊袞衣 皇情虛席待公歸入朝尙帶煙
霞氣坐論重瞻日月輝行處春風隨劍履數將德意
滿綸扉傳家別有淵源在一代才名杜紫微

才子趨庭捧壽觴門生羅列自成行試傾天上流霞
酒不數仙人駐景方盛世賡歌餘氣象新春花柳待

芬芳白頭亦是淮南客雲路無由得其將舊傳八公造門鬚眉

皓白山在州境公家福地也

廿三日友鹿攜具西齋小飲分得巢字

仙郎結字爲鄰並好友相過從酒殽直喜遷鶯來舊
侶還容語燕定新巢三更燈火團樂話累日琴尊冷
淡交不識何人是賓主同拈枯韻句頻敲是月已四會分韻矣

寄懷周山陰時臺檄委辦軍儲留大同

昨去雲中我不知重來京邑又差池奉命陞見卽還任神君

兩地爭爲母善政三邊盡得師趙將軍租資畫諾中
牟德化有褒辭龍鍾應合長相記芸館當年伴宿時

袁靖公選君生日有贈

兩紀登朝鬢未蒼出塵清譽滿朝陽袁公早著王臣

烈范史袁安傳袁公雅正有王臣之烈彥伯初爲吏部郎袁宏曾爲吏部風月

蕭閒留邸第人才推挽接班行憑君砥柱狂瀾手願

挹天河進一觴

贈杜翁

不競豪華不施僧於人無羨亦無憎遇饑隨分常分
粒愛讀有時還乞燈十七靈書窺道妙三千功行足
飛昇繞庭已見趨龍驥美報多應補少陵

狄立人庶常禊飲李園

卽寄園之西墅

姜先生全集 卷二十一
十字街頭足去塵一條深巷暗藏春
野花滿地引幽步新鳥得枝解避人
琴和水聲彈幾曲酒香林氣酌
多巡坐中指點同游者半是前年舊主賓

又同作五言一首

出門悵何之衆鳥鳴喧喧春風吹我行
乃至城西園借問主人誰結念自高騫
遇賞暫息駕得朋遂開尊湛湛水木趣
曖曖林景暄玩物互流詠高論亦翩翻
吾與二三子好尚豈異門早蘼惜紛飛
餘芳枝尚繁
勿華幸相待取醉復何言

爲馮文子悼亡

設靈長春寺君
自爲小傳甚哀

少小倚才華連姻亦外家情因孤露重痛爲別離加
客枕書妖夢齋筵供淨花遲君十萬俸憶得總堪嗟
查德尹同其姪和軒到京半月和軒告歸次德

尹韻贈行二首

春到同爲直北游竹林歸去未應秋臨行取酒澆狂
籍好爲山王一少留

小泊舟時便叩扉兒童迎笑競牽衣有人問訊東鄰
叔一紙平安也當歸

東臯草堂看杏花飲酒歌

一春不聞春禽啼何處草綠裙腰齊乍喜相邀出郭

游慶豐隄南浣水西翩翩肩輿相趁去紅纓紫鞵爭
先度雙林磴道一憑欄出門問箇東臯路王孫待我
香界庵軒軒同扶下石龕紅蘭主人已同在菴中笑指前村萬
纈紅鋪茵設席來微風不用金盤堆玉膾飛花自滿
頗黎鍾小隊花間低按曲曲中唱道春歸速城陰筓
吹落斜陽日暮鶯啼過修竹更炊京稻煮河魚重向
東臯亭上呼主人忘勢客忘分道旁醉倒酒家壚明
朝三斗看朝天白頭閒共春風顛

贈錢石臣之任洛陽

一年春色半闌時會愛芳辰別更宜楊柳絮邊燕市

酒甘棠陰裏召南詩嵩煙摺翠堆香案伊浪噴珠溼
畫旗此地才人多管領好將吟詠替分司

聞逸峯同年將自皖歸與管子元彥同行卻寄

筍老蒲青燕啄泥玉鞭酥雨踏平隄女兒停客桐花
落游子入門黃鳥啼親舍雲山回望遠故園煙徑舊
行迷江南風景全收得妙手龍眠喜共攜

元彥懷甯人

送高涇縣大立

一椽落深巷吾誰與爲鄰忽聞披蓬藿乃是素心人
各言長相思握手道殷勤相思未覲面乍見識其真
家本二千石吟書行澤濱

漢吳祐二千石子吟詠經書於長垣澤中廉吏

信可爲請看席上珍陵陽古名郡藍岑鬱嶙峋彈作
青谿聲再使風俗淳此地接敬亭謝公蹟未湮朗詠
繼古調雲月相鮮新吾聞落星石卜築豈無因太白詩題
經南山下有落星潭可以釀酒誰相待一爲訪汪倫
卜築予今亦將取道於此

題吳仁趾小影

畫作禪坐而所至攜妾自隨

踏徧芒屨去掩扉箇中消息有真機定知羅漢無情
欲天女親來護戒衣

和顧俠君小秀野詩四首

其家園名秀野

小園新占在街西依舊蓬蒿三徑迷或恐羊求來未

識鹿柴萸泝自留題

年時記得南州話劇飲論詩實怕人司寇嘗語予早

旁若無人今日逢君湖海氣老夫情味轉相親

想像家園有幾分蕉心雨轉綠羅紋若教稱是江南

長檻外還須著此君

笑我心情冷似灰卜居何意傍琴臺移至湯編修邸中頗愧衰羸不

稱此羅裙寶靨知無用但覓吟風檻木栽

送許念中赴任鐵嶺縣許與同年高大立同選兩君皆與予鄰寓高前

月之任涇縣

深巷逢春共閉關相隨杖履往來閒銜杯乍別同年

友計日還登駐蹕山山去縣城二里遼水雙流

分縣界

縣有內外遼河

陪京中抱出雲間門前便是朝天

路不用鳬飛朝暮還

五日分詠得赤靈符

命縷鮮新五色分

王筠詩命縷應嘉辰

嘉辰風俗事神君仙衣

髣髴煙霞氣鬼字離奇礚礚文黃紙動時飛六甲絳

砂凝處結三雲太平門戶長生祝願著胸前作佩紛

題王赤紵中書小影三首

用杜詩竹深留客處荷淨納涼時布景

風前飯罷簪簪谷暑退吟成菡萏波自較便宜塵世
少一蕉團地占來多

莫有心情未盡消幾圍帶減沈郎腰詩人例瘦無官

樣不用良工著意描

多年苦爲禹鴻臚狼藉青黃點畫圖

余題禹生寫照者不啻數十幅

矣此會知渠槃礴羸更留題處待狂夫

送李梅崖分巡雁平道

簾閣焚香坐詠詩便教時論屬安危星聯兩郡開油
幕險控三城靜鼓鼙夜獵馬歸蘇武障秋成人賽代
王祠由來是處誇頗牧儒將今看出禁墀

王文在進士之任安郡

謁帝初爲蜀道行將家艘牒泝巫荆大江回繞流巴
字舊國微茫出枳城

縣卽枳國之地

石室瑤函窺洞府丹崖